

## Ji` e cajme' JUDAS

### Júu` guicóo` e catíng` dseà` quíá'` Dseà` Jmáang`

<sup>1</sup>Jo jnea` sii` Judas, jogui líin`n jaang` dseà` ngáang` cóo` Tiáa~, jogui lajii` e iing` Fíi`naa' Dseà` Jmáang` jmóo`o. Jo jmo'o e ji` la e catíng` jaléng` 'nú', dseà` i` nicató'` Tiquí`ii' Fidiéé` e laco' ni'uíng`na' dseà` quiá'r`, jo Fidiéé`bing' i` 'neáang` 'nú' jogui Fíi`naa' Dseà` Jmáang`bing' i` jmóo` 'nú' í` cajo. <sup>2</sup>Jo fíi` i` 'nú' lana e ni'íng`na' lalíng` e fíi` líing` Fidiéé` 'nú' jogui e nicuó'r` 'nú' e seeng`na' juguiá` júu` røø` jogui e jmi'neáaiñ` 'nú' cajo.

### E` uing` e calíi` e ji` la

(2 Pedro 2:1-7)

<sup>3</sup>Dseà` rú'naa' dseà` quiá'` Dseà` Jmáang`, eáang` nicali'iin`n e nijmée'` e ji` e catíng`na' lí` fé'` cuaiñ` quiá'` e júu` quiá'` jial nicaláang`naa' jee` jalé'` dsee` quí`ii'; jo dsu' lanagui nicalilí' i` e dseáng` la guíim` 'né' nijmée'` e ji` quí'`na' lí` fíi` i` 'nú' e dseáng`nijmí'úung`na' e cuó'` óo'na' e jmi'ø'na' e júu` quiá'` Dseà` Jmáang` e nicacuó'` Fidiéé` jaléng` dseà` quiá'r` latí` mí` uing`. <sup>4</sup>Co' i` líing`

dseà` i` jmigóo` nicaquiñ` jee` 'nú' lí' laco' la fé'` fí' ni` ji` quiá'` Fidiéé` latí` mí` uing` lí` fé'` e nisi'íng` jaléng` i` dseà` la'í` e nidsilíin` fí' lí` 'lí'; jo jaléng` i` dseà` í` eáam` éer` ga, co' jmi'óo'r` jial tíi` guíung` Fidiéé` e laco' jmóor` lí' doñi' ee` 'lí' lí` dsíir`, jogui cajo ja` jmi'gór` Fíi`naa' Dseà` Jmáang`, jo jii` dseà` íb` i` quíe` nifí` quí` jnea`aa'.

<sup>5</sup>Jo niñib` 'nú' jial calí` malii~, jo dsu' lana iin`n nijmiguién`n óo'na' calé'` catú` e doñi' fa' caleáam` Fíi`naa' Fidiéé` jaléng` dseà` Israel e fí' Egipto do, jo dsu' mí` cangf` jo, jaléng` i` dseà` í` i` ja` calinúu` júu` quiá'r` ie` jo dseáng` ca'fim`brein` do conguaí. <sup>6</sup>Jo lajòb calí` cajo cóo` jaléng` ángeles i` ja` caguá` fa' cajmée'r` ta` quiá'r` laco' sí'f` lí' lajii` lí` catíiñ`, jo dsu' fí' lí` nuu` sób'` caseáang` Fidiéé` jaléng` í', jogui fí' jòb nijér` e 'ñúuiñ` cóo` ñi` cadena cartí` mí` nitf` í' e nitidsí' í' quiá'r` cuaiñ` quiá'` lajii` e dsee` e ca'éer` do. <sup>7</sup>Jogui lí' laco' ja` calinúu` i` ángeles na, lajòb cajo cajmée' jaléng` dseà` seeng` fí' Sodoma cóo'`gui fí' Gomorra cóo'`gui fí' jalé'` fíi` e née' lacúng` lajiiing`; jo jaléng` i` dseà` í` cajmée'r` jalé'` e 'lí' cóo'` dseañu` jogui cóo'`

dseam̄ i ɔ' quiá'r̄, jogui cajmée bre cajo jalé' e 'li' e jíe'gui e lí dsí' ngúu' táaiñ' fí jmiǵúí' la. Jo uí' e lajob cajmée jaléng' i dseá í, joba' cacá'r̄ iihuí' e cacáaiñ' fí' ní' jí' e ja' tóo' jmií' yu'. Jo e jo cajmée Fidiée' e laco' nililí' jaléng' dseá i jalíng' cøong'gui quiá' jial laniing' 'ne' nijmí'gó' dseá Fidiée'.

<sup>8</sup>Jo lí' la lí' jalé' e 'li' e cajmée jaléng' i dseá na, lajob lí' cajo jalé' e jmóo' jaléng' i dseá i jmóo' ta' jmiǵóo' do, cɔ' lí' tí' dsíir' fé'r' jalé' e nir' lafa' mĩ' quir', jo dsu' ɔ' já' jalé' e fé'r' do; jogui jmi'ling' yaaiñ' cɔo' jalé' e tí' dsíir' jmóor' fí' ngúu' táaiñ', jogui gab' fé'r' quiá' jaléng' i güeang' quiá' Fidiée' i seeng' fí' ñiff'. <sup>9</sup>Jogui i fii' féng' quiá' jaléng' ángeles quiá' Fidiée' i sii' Yé' do, doñi' fa' eáang' 'gøiñ' jogui seá' bí' quiá'r̄, jo dsu' ja' cajmée' fa' cabiñ' i fii' i 'ling' do cɔo' júu' 'li' mĩ' catíñ' ngúu' táang' Moi', cɔ' jíi' júu' laba' casí' reiñ' do: "iFii' i Fidiée' dseá ni'gaiñ' quií'!" <sup>10</sup>Jo jaléng' i dseá i jmóo' ta' jmiǵóo' do lí' jmine'r' lajíi' e ja' ñi' bre; jo dsu' jalé' e ñir' lí' fé'r' jial líiñ' yaam' bre lí' laco' líng' jaléng' jó', cɔ' jaléng' í' ja' í' dsí're!; jo dsu' cɔo' jalé' e fé' jaléng' i dseá do, cɔo' e job nidsijéng' yaaiñ' fí' lí' 'li' car' ngongí' jmií'.

<sup>11</sup>Jo e ngí' fí' jaléng' i dseá i jmiǵóo' do, cɔ' nicasing' yaaiñ' fí' ga' lí' laco' cajmée jaang' dseañu' i calisí' Caín ie' mali' do, jogui laco' cajmée jaang' i calisí' Balaam i cajmée lí' doñi' e'e' e ja' dseeng' e lí' laco' calí'r̄ cuu'. Jo jaléng' i dseá i jmiǵóo' do nidsingíiñ' lí'

laco' cangongíng' jaang' dseá i calisí' Coré ie' mali' do, cɔ' i dseá í' ja' cajmée' núu'r̄ júu' quiá' Fidiée'. <sup>12</sup>Jogui jaléng' i dseá i jmiǵóo' do jmi'lí' bre fí' lí' jmoo' 'nú' jmií' lí' seáng' rúng' na' e cò' na' í' na' colíng'. Cɔ' lí' tí' dsíir' e teáaiñ' ta' jmi'íáang' dsíi' e í' gø'r', jogui ja' e'e' jmi'gór' jíi' capí' lajee' e jmoo' 'nú' e jmií' do. Jogui i dseá i jmiǵóo' do líiñ' lafa' dseá i ní' jo'se' i eáang'gui jmóo' í' 'ñaia' e lafa' nijmér' í' jo'se' quiá'r̄; jogui líiñ' cajo lí' laco' lí' jnií' e dsigúing' cɔo' guí' lajo, jo jíi' ja' tuu' jmií; osi líiñ' lafa' 'ma' ofii' e ja' cuø' ofii' mĩ' nití' jii' quiá'. Jo cɔ' lajob líng'gui i dseá do, joba' lana líiñ' lafa' 'ma' ofii' e nicagúitøø' catí' jmó' quiá', jo ninée' guí' e nidsitoo' fí' ní' jí' e ja' tóo' jmií' yu'. <sup>13</sup>Jogui jaléng' i dseá i jmiǵóo' do líiñ' la lí' ja' e róo' fí' 'ni' jmiñí' mĩ' í' guí' teá, cɔ' jnéeng' jóø' ba'a' jalé' e ga' e jmóor'. Jogui líiñ' cajo lafa' núu' i nica'íng' lajíi' ée' quiá', jogui lana niteáaiñ' fí' e nidsilíñ' fí' lí' nuu' sò' car' ngongí' jmií'.

<sup>14</sup>Jo i dseá i calisí' Enoc i caliséng' ie' malií' do mĩ' catí' guíe' 'lé' dseá mĩ' cangí' e cajmeáang' Fidiée' i Adán do, jo i Enoc do cafér' cuaiñ' quiá' Fidiée' e éein' jaléng' i dseá i jmiǵóo' do mĩ' cajíng' lala: "Nícamám' ba'a' Fii' naa' e nijáar' cɔo' i 'leáang' ángeles quiá'r̄" <sup>15</sup>e niquidsir' í' quiá' lajaang' lajaang' dseá jmiǵúí' jogui mifíng' nicuø'r̄ iihuí' jaléng' dseá soo' dsíi' uii' quiá' jalé' e ga' e nicajmée' jogui uii' quiá' jalé' júu' 'li' e nicafé'r' uii' quiá' Fidiée'." <sup>16</sup>Jo jaléng' i

dsea soo` dsí' do contøøm̄ jmóor` ta` j́ing` cóo` dsea` rúin̄', jogui jmóor` ta` éeng` jaléng` í` cajo, jogui lí` jmitir` laj́í` e lí` dsí' ngúu` táam`bre. Jo eáam` jmicóøng` yaaiñ` jogui fé'r` jalé` júu` róo` e laco' lí'r` cóøin̄` dsí' dsea` rúin̄', jo lajoba' lí'r` jalé' e iin̄` quiá' i` dsea` rúin̄' do.

**Júu` íi` 'goo` e catíng` dsea` quiá' Dsea` Jmáang`**

<sup>17</sup> Jo dsu' fíi` guíi` 'nú', dsea` rú'naa' dsea` quiá' Dsea` Jmáang`, e téé` óo'na' laj́í` e júu` e nicafé' jaléng` i` dsea` i` síng` Fíi'naa' Dsea` Jmáang` cuaiñ` quiá'r` <sup>18</sup>ie` mi` casí'r` 'nú' lala: "Mi` tí` lí` nijaquíéng` e ni'fing` jmigüi` nigüeam` dsea` i` nijmine'` jalé' e güeang` quiá' Fidiée', jo lí'` nijmitir` laj́í` e 'lí' e lí` dsír` yaam`bre." <sup>19</sup> Jo jaléng` i` dsea` la'í'b` jmóo` ta` 'naang` dsea` quiá' rúin̄', jogui caniing` jmóor` laj́í` e lí` dsí' ngúu` táam`bre, jogui ja` seeng` Jmiguí` quiá' Fidiée` cóo'r` cajo.

<sup>20</sup> Joba' fíi` guíi` 'nú', dsea` rú'naa' dsea` quiá' Dsea` Jmáang` i` iin̄` eáang`, e cuøø'` guí bí` rúng'na' e laco' nidsicuáng` guí` quíi'na' cóo'` júu` quiá' Dsea` Jmáang` lí'` laj́í` e fí` güeang` lí` niteáang`na' cóo'r`. Jogui féeng`na' Fidiée' la'eáang` cóo'` Jmiguí` quiá'r`. <sup>21</sup> Jogui contøøng` jmiguiéng'` óo'na' jial` tíi` 'neáang` Fidiée' jneaa`aa' jogui jeeng`na' e nití` e jmií` e niñíng`na' quiá' Fíi'naa' Dsea` Jmáang` e niliseeng`na' cøøng` cóo'` Fidiée' lata` uíi' e fíi` líiin̄` jneaa`aa'.

<sup>22</sup> Jogui jmee`na' úung` e laco' ningáng` jaléng` dsea` i` ja'guí` mí` ngáng` røø` laco' sí'í` júu` quiá' Dsea` Jmáang`. <sup>23</sup> Jogui jmicóo'`na' cajo jaléng` dsea` e laco' nileáiñ` jee` jalé' dsee` quiár`, jo lajoba' ja` nidsilíin̄` fí` lí` 'lí' fí` lí` cóo` jì` e ja` tóo` jmií` yu'. Jogui jmee`na' fíi` líng`na' jaléng` dsea` cajo, jo dsu' 'né` ñiim` óo'na' jie` mí` síng` yaang`na' fí` gá` lí` teáang` jaléng` i` dsea` i` jmigóo` do, jogui jie` mí` jmée`na' e jmeáang`na' ta` jalé' sí'r`, co' jì`gui cartí` jalé' e jo 'lí' uíi' e jmóor` jalé' e ja` dseeng`.

**Júu` lí` cadséng` quiá' e jmfíéng' dsea` Fidiée'**

<sup>24</sup> Jo dsu' jaam` Fidiée' i` seeng`, jogui íb` i` nicaleáang` jneaa`aa' jee` jalé' dsee` qui`ii', jogui íb` i` jmóo` í` jneaa`aa' cajo e laco' ja` nijiá'naa' fí` ni` dsee`, co' eáam` 'gøin̄', jo jmóor` lajo e laco' niguiéin̄' jneaa`aa' fí` quinir` e ja` sí'ling'naa' cóo'` j́í` cóo` dsee`. Joba' eáang` íaang` dsi'naa' mi` nití` fí` lí` jlo'` niiñ` fí` ñíff` quiá'r`. <sup>25</sup> Jo j́í` íb` dsea` catíng` nijmfíéng' dsea, co' j́í` íb` dsea` líng` Fíi'naa' dsea` féng' dsea` ñíng` fí` la'úng`, jogui dsea` íb` dsea` cuøøng` lí` jmér` lí'` doñí` eé, jogui j́í` íb` dsea` óor` ta` e quiu'r` ta` fí` la'úng` la'eáang` cóo'` Fíi'naa' Dsea` Jmáang`, jo lajob` jmóor` laj́í` ná'gui e nitiroo` jmigüí, jogui lajob` jmóor` lana` jogui tí` lí` dsé`gui cajo lí'` dseáng` car` ngongíi` jmií`. Jo lajob` nilí.

Jo lanab` j́í` fé'` jì` quiá' Judas.